


A Enseada do Umia-O Grove, lagoa Bodeira e O Carreirón



Espazo situado no Sur da Ría de Arousa en terreos dos concellos de O Grove, Sanxenxo, Meaño, Cambados e A Illa de Arousa, cunha extensión de 7.490 ha. O LIC "Ons-O Grove" inclúe tamén a Illa de Ons (Bueu), e varios illotes da provincia da Coruña.

Ten diversidade de ecosistemas: fondos areosos e rochosos, praias, dunas, esteiros, enseadas, marismas, lagoas costeiras, cantís e lagoas de orixe antrópica.

É un espazo de grande interese xeolóxico, paisaxístico, botánico e faunístico.

TIPO DE PROTECCIÓN
Refuxio de caza desde 1982.
Declarada Zona Húmida de Importancia Internacional polo Convenio de Ramsar desde 1989 (BOE 8/5/1990).
Zona de Especial Protección para as Aves (ZEPA) desde 1989.
Espacio Natural en Réxime de Protección Xeral (DOG 5/6/1995)
O Complexo Ons-O Grove (que inclúe a Illa de Ons, os cantís da Lanzada e San Vicente e as illas Rúa, Areoso Xidoiro e diversos pequenos illotes) está incluído na Rede Natura 2000: Lugar de importancia comunitaria (LIC), e Zona especial de conservación (ZEC).



Patrocina:



Neste espazo atópanse variadas formas de paisaxe resultantes da interacción do mar, o río, a terra e o vento: illas e illotes rochosos e areosos, penínsulas, istmos, praias, dunas, cantís, enseadas, lagoas...



A flora da Enseada é moi variada. Nos diversos ecosistemas atopamos especies comúns xunto con algunas moi raras ou exclusivas da zona.



Arenaria, feo da praia e leiteiras na Lanzada. Nas dunas da Lanzada hai catalogadas máis de 100 especies entre as que se atopan endemismos locais e rexionais.



Iberis procumbens, endemismo da costa atlántica da Península Ibérica.



Paxariños amarelos (*Linaria polygalifolia*), endemismo atlántico da Península Ibérica. Cardo leiteiro (*Cistanche phelipaea*). É unha planta parásita que ten como único punto de referencia en toda Galicia o litoral da Enseada.

Toda esta área é dunha gran riqueza biolóxica. Os seus fondos mariños son unha importante área de cría de todo tipo de animais, en especial de peixes e moluscos. As marismas e esteiros son unha das áreas de descanso para as aves mariñas más importantes de Galicia.



Na enseada hai unha poboación invernante de culereiros (*Platalea leucorodia*), única en Galicia con máis de 100 exemplares.



As limicolas, polo seu número e variedade, fan da Enseada un dos lugares de maior interese ornitoloxico do litoral galego e, para algunas especies o punto de máxima afluencia de Galicia. O censo de 2002 da SGHN certifica a presenza de máis de 12.000 aves de 42 especies diferentes.



Bilurico común (*Tringa totanus*)



Pillara real (*Charadrius hiaticula*)



Garzota
(*Egretta garzetta*)



Galiñola negra (*Fulica atra*)